

ԱՐՁԱՆԱԳՐՈՒԹՅՈՒՆ

ԵՊՀ եվրոպական լեզուների և հաղորդակցության ֆակուլտետի
գիտական խորհրդի՝ 08.12.2025 թ. կայացած հարցման կարգով
թիվ 4 նիստի

Ֆակուլտետի գիտական խորհրդի՝ հարցման կարգով նիստի օրակարգը ներառում էր անգլիական բանասիրության ամբիոնի հայցորդ **Ռիմա Վիկտորի Բաղեյանի** թեկնածուական ատենախոսության թեմայի և գիտական ղեկավարի հաստատման հարցը (Ժ.02.07. Ռոմանագերմանական լեզուներ մասնագիտություն):

Ներկայացված հիմնավորումն աշխատանքի նպատակի ու խնդիրների ուրվագծման ու լեզվաբանական հետազոտությունների շրջանակում թեմայի արդիականության ամփոփ նկարագիրն էր: Ատենախոսության թեման՝ **«Քաղաքական դիսկուրսը որպես լեզվականի, հարալեզվականի և արտալեզվականի փոխներթափանցված ամբողջություն»**, ընդգրկում է քաղաքական լեզվաբանության տիրույթում խոսքի համակողմանի քննություն, ինչն արդիական է՝ նկատի առնելով այն հանգամանքը, որ հետազոտությունն իրականացվելու է ինչպես լեզվաառական վերլուծության, այնպես էլ քաղաքական ելույթների առողաբանական առանձնահատկությունների մակարդակում: Հարկ է ընդգծել նաև բազմաեղանակային ուսումնասիրության հայեցակերպը, ինչը կապահովի կիրառական նշանակություն: Ուսումնասիրության վերլուծական պատկերն առավել կամբողջանա խոսքի ազդեցության ու լսարանին համոզելու լեզվական միջոցների քննության դիտանկյունից: Հիմնավորման մեջ թեկնածուական հաստատման նպատակով ներկայացված էին նաև գիտական ղեկավարի տվյալները՝ անգլիական բանասիրության ամբիոնի պրոֆեսոր, բանասիրական գիտությունների դոկտոր **Մեղա Քերոբի Գասպարյան:**

Հիմք ընդունելով քվեարկության արդյունքները՝ որոշեցին հաստատել ատենախոսության թեման և գիտական ղեկավարին:

Ֆակուլտետի գիտական խորհրդի՝ հարցման կարգով նիստի օրակարգը ներառում էր նաև անգլիական բանասիրության ամբիոնի հայցորդ **Աննա Արտեմի Թարոյանի** թեկնածուական ատենախոսության թեմայի և գիտական ղեկավարի հաստատման հարցը (Ժ.02.07. Ռոմանագերմանական լեզուներ մասնագիտություն):

Ներկայացված հիմնավորումը բովանդակում էր ատենախոսության թեմայի արդիականությունն ու հետազոտության պլանը (թեմա՝ **«Թվային դիվանագիտության հանրալեզվական յուրահատկությունները»**): Արդիականությունը պայմանավորված է թվային դիվանագիտության զարգացման ներկա աստիճանով, հանրային կարծիքի ձևավորման գործում լեզվի արդյունավետ կիրառման կարևորությամբ: Աշխատանքը

կներառի անգլիալեզու դիվանագիտական խոսքի լեզվական ու հասարակական-քաղաքական առանձնահատկությունների համակողմանի վերլուծություն: Հետազոտության շրջանակում կշեշտադրվի միջազգային հաղորդակցության ոլորտում լեզվի՝ իբրև ազդեցության միջոցի դերը: Հիմնավորման մեջ թեկնածության հաստատման նպատակով ներկայացված էին նաև գիտական ղեկավարի տվյալները՝ անգլիական բանասիրության ամբիոնի վարիչ, պրոֆեսոր, բանասիրական գիտությունների դոկտոր ***Աննա Տարիելի Կոյազյան:***

Հիմք ընդունելով քվեարկության արդյունքները՝ որոշեցին հաստատել ատենախոսության թեման և գիտական ղեկավարին:

ԵԼՀ ֆակուլտետի ղեկան և
գիտխորհրդի նախագահ,
բ.գ.թ., դոցենտ՝

Գ. Ռ. Բաբսեդյան

Գիտխորհրդի քարտուղար,
բ.գ.թ., դոցենտ՝

Մ. Գ. Դալայան

08.12.2025 թ.